

道德真經註卷之四

智

河上公章句

居位第六十

治大國若烹小鮮鮮魚也烹小魚不去腸不去鱗不敢掩恐其糜也治國煩則下亂治身煩則精散以道蒞天下其鬼不神以道德居位能天下則鬼不敢見其精神以化人非其神不傷人聖人亦不傷人非鬼神不能傷害於人以聖人在位不敢傷人故鬼神不敢干人夫兩不相傷鬼與聖人俱不相傷故德交歸焉夫兩不相傷人得治於陽鬼得治於陰人得全人性命鬼得保其精神故交歸焉

謙德第六十一

大國者下流治大國如江海者下流不逆細微天下之交大國天下之士民之所交會天下之化也者陰類也柔謙和而不信也化常以靜勝牡女所以能服於男勝陽陰以安靜不先求之以靜為下陰道以安故大國以下小國則取小國能謙下之則常有之小國以下大國則聚大國此言國無小大能執謙言

人則無過生故或下以取或下以聚下者謂大國以下小國小國以下大國更以義相取也大國不過欲兼畜人大國不失下則兼并小國而牧畜之小國不過欲入事人欲為臣僕夫兩者各得其所欲故大者宜為下大國小國各欲得其所欲大國尤宜謙下也

為道第六十二

道者萬物之奧奧也道以萬物之戒無所不容也善人之寶善人以道為身之寶不敢違也不善人之所保道者不善人之所保何也道患遠志猶能知自悔早柔也美言可以市美言可以市者夫市交易而退不相宜善言美語求者欲疾得貴者欲疾售專行可以加人加別也人有專貴之行可以別異於凡人未足以專道人之不善何素之有人雖不善當以道化之蓋三皇之前無有素民德化得也故立天子置三公欲使教化不善之人雖有拱璧以先駟馬不知坐進此道雖有美玉以先駟馬而不知坐進此道也古之所貴此道者何不日求以得古之所以貴此

道者不日求近得之於身有罪以免耶有罪者謂違亂世暗若妄行刑誅修進則可以解死厄免於東耶故為天下貴道德兩達無不覆濟全身治國恬然無為故可以為天下貴

恩始第六十三

為無為自成修故無所以作事無事預設備除煩省事味無味深思遠慮味遠意也大小多少陳其戒令也欲大反小欲多反少自然之道也報怨以德修德行善絕禍於未萌也圖難於其易難事當於易時未及成也為大於其細欲為大事必作於小禍亂從小來也天下難事必作於易天下大事必作於細是以大人終不為大處謙虛也故能成其大天下共歸之也夫輕諾必寡信不重言也多易必多難不慎意也是以聖人猶難之聖人動作舉事猶進退重難之故塞其故源也故終無難聖人終身無患難之事由避害深也

守微第六十四

其安易持治身治國安靜者易守持其未兆

易謀情欲禍患未有形兆時易謀止也其脆  
易破禍亂未至萌情欲未見於色如脆弱易  
破除也其微易散其未彰者微小易散去也  
爲之於未有欲有所爲當於未有萌芽之時  
塞其端治之於未亂治身治國於未亂之時  
當預閉其門合抱之木生於毫末從小成大  
九層之臺起於累土從早至高千里之行始  
於足下從近至遠爲者敗之有爲於事廢於  
自然有爲於義廢於仁有爲於色廢於精神  
也執者失之執利過急執道全身堅持不得  
推讓遂及聖人無爲故無敗聖人不爲文章  
不爲己利不爲成賊故無謀敗無執故無失  
聖人有德以教愚有財以與貧無所執故  
無所失於人民之從事常於幾成而敗之從  
爲也民之爲事常於功德幾成而貪位好名  
而善泰盈滿而自敗之也慎終如始則無敗  
事終當如始不致懈怠是以聖人終不欲聖  
人欲人所不欲也人欲彰顯聖人欲裕先人  
欲文飾聖人欲質朴人欲於色聖人欲於德  
不貴難得之貨聖人不眩是爲服玩不賤石

貴正也學不學聖人學人所不能學人學習  
詐聖人學自然人學治世聖人學治身守道  
真也復衆人之所過衆人學問皆反也過本  
爲實過實爲華復之者使反本實者也以輔  
萬物之自然教人及本實者欲以輔助萬物  
自然之而不敢爲聖人動作因循不敢有所  
造爲恐離本也

### 淳德第六十五

古之善爲道者說古之善以道治身及治國  
者非以明民不以道教民明智巧詐也將以  
愚之將以道德教民使質朴不詐僞民之難  
治以其智多民之不可治理者以其智太多  
必爲巧僞以智治國國之職使智慧之人理  
國之政事必遠道德妄作禍福而爲國之職  
也不以智治國國之福不使智慧之人治國  
之政事則民守正直不爲邪飾上下相親君  
臣同力故爲國之福也知此兩者亦措式兩  
者謂智不智也常能知智者賊不智者福是  
治身治國之法也常知措式是謂玄德去  
天也能知治身治國之法式是謂與天同德

也玄德深矣遠矣玄德之人深不可測遠不  
可極也與物反矣玄德之人與萬物反矣萬  
物欲蓋已玄德欲先與人也然後乃至大順  
玄德與萬物反矣故能至大順大順者天理  
也

### 後已第六十六

江海所以能爲百谷王者以其善下之仁海  
以卑下故衆流歸之若民歸就於王也故能  
爲百谷王且以就下故能爲百谷王是以聖  
人欲上民欲在民之上也必以言下之法江  
海處謙虛欲先民欲在民之前也必以身後  
之先人而後已也是以聖人處民上而不重  
聖人在民上爲主不以尊貴虐下故民戴仰  
不以爲重處前而民不害聖人在民前不以  
光明蔽後民親之若父母無有傷害之心是  
以天下樂推而不厭聖人恩深愛厚視民如  
赤子故天下樂共推進以爲主無有厭之也  
以其不爭天下無厭聖人之時是由聖人不  
與人爭先後也故天下莫能與之爭言人皆  
爭於有爲無有爭於無爲也

三寶第六十七

天下皆謂我大似不肖老子言天下皆謂我  
 德大我則伴惡似不肖夫唯大故似不肖夫  
 自名德大者為身之害故伴惡似若不肖無  
 所分別無所到裁不成人而自責若肖久矣  
 肖善謂祥也若大祥惡之人身自高貴行  
 察察之政所從來久矣其細也夫言祥惡者  
 唯如小人非長者我有三寶持而保之老子  
 言我有三寶抱持而保之之一曰慈愛百姓  
 如赤子二曰儉賦欲若取之於己也三曰不  
 敢為天下先執謙退不為倡始也夫慈故能  
 勇先以仁慈故乃勇於志孝儉故能廣天子  
 身能節儉故民日用廣夫不敢為天下先故  
 能成器長成器長謂得道人也我能為道  
 人之長也今舍其慈且勇今世人舍慈仁但為  
 勇武舍其儉且廣舍其儉約但為奢泰舍其  
 後且先舍其後已但務先人死矣所行如此  
 動入死道夫慈以戰則勝以守則固夫慈仁  
 者百姓親附并心一意故以戰則勝敵以守  
 衛則堅固天將救之以善以慈衛之天將救

配天第六十八

助善人必與慈仁之性使能自營助也  
 古之善為士者不武言貴道德不好武力善  
 戰者不怒善以道戰者禁邪於心胃絕禍於  
 未萌無所謀怒也善勝敵者不與爭善以道  
 勝敵者附近以仁來遠以德不與敵爭而敵  
 自服善用用者為下善用人自輔者當為人  
 執謀下是謂不爭之德謂上文為之下也是  
 乃不與人爭聞力是道德是謂用人之力能  
 身為人下是謂用人之力也是謂配天能行  
 此者德配天也古之極也是乃古之極要道  
 也

玄用第六十九

用兵有言陳用兵之道老子疾時用兵故託  
 已設其義吾不敢為主先也我不敢先舉  
 兵而為客客者和不倡兵當承天而後動  
 不敢進寸而退尺使人境畧利人財寶為進  
 閉門守城為退也是謂行無行彼遂不止為  
 天下賊雖行誅之不行執也據無臂雖有大  
 怒者無臂可據仍無敵雖欲行仍引之心若

無敵可仍執無兵雖欲執持之若無兵刃可

持用也何者傷彼之民罪罪於天遠於不道

之君慈者傷喪之痛也禍莫大於輕敵夫禍

亂之害莫大於欺輕敵家使不不休輕戰而

貪財寶也輕敵幾喪吾寶幾近也寶身也輕

敵敵家近喪身也故抗兵相加兩敵戰也則

家勝也已矣者慈仁士卒不遠於己

知難第七十

吾言甚易知甚易行老子言吾所者而易知  
 約而易行也天下莫能知莫能行人不好柔  
 弱而好剛強言有宗事有君我所言有宗祖  
 根本事有君臣上下世人不知者非我之無  
 德心與我反也夫唯無知是以不我知夫唯  
 世人之無知者是我道德之暗昧不見於外  
 窮微極妙故無知也知我者希則我者貴希  
 少也唯達道者乃能知我故為貴是以聖人  
 被褐懷玉被褐者薄外也懷玉者厚內匪寶  
 藏德不以示於人也

知病第七十一

知不知上知道而不知德之上不知知病

不知道而言知德之病也夫唯病病是以不病聖人無此強知之病者以其苦衆人有此病聖人不病以其病病是以不病以此惡人故不自病云聖人懷遠達之知此於不知者欲使天下贊朴中正各守純性小人不知道意而妄行強知之事以自顯者內傷精神誠奇消年

### 愛已第七十二

民不畏威則大威至矣威害也人不畏小害則大害至畏死亡也畏之者當保養精神承天順地無狹其所居謂人心藏神常當安柔不當急狀無厭其所生人所以生者以有精神託空虛清靜飲食不節思道念色邪僻滿腹為此代命敬神也夫唯不厭是以不厭夫唯獨不厭精神之人洗心垢濁恬泊無欲則精神居之而不厭是以聖人自知自知已之待夫不自見不自顯見德美於外而蔽之於內自愛自愛其身以保精氣不自貴不自貴高榮名於世故去彼取此去彼自見自貴取此自知自愛

### 任爲第七十三

勇於敢則殺勇於敢有爲則殺其身也勇於不敢則活勇於不敢有爲則活其身知此兩者謂敢與不敢也或利或害活身爲利殺身爲害天之所惡器有爲也孰知其故誰能知天意之故不先之也是以聖人猶難之言聖人明德猶難於勇故況無聖人之德而能行之乎天之道不爭而善勝天不與人爭貴賤而人自畏之不言而善應天不言萬物自動以應時不召而自來天不呼召萬物皆自負陰而向陽也繹然而善謀繹寬也天道雖寬傳善謀慮人事修善行惡各蒙其報天網恢恢疎而不失天之羅網恢恢甚大雖則疎遠若司察人善惡無所失也

### 制惑第七十四

民不畏死治國者刑罰深酷民無即生故不畏死也治身者若嗜欲傷神貪財喪身民不知所畏也奈何以死懼之人君當寬刑罰人去其情欲奈何設刑法以死懼之若使民常畏死當除己之殘刻教民之去利欲而爲奇

者吾得執而殺之孰敢以道教而民不徒反爲奇巧乃應王法執而殺之誰敢有犯者老子傷時王不先以道德化人而先以刑罰者也常有司殺者司殺者謂天居高臨下司察人之過天網恢恢疎而不失者是夫代司殺者是謂代大匠斲天道至明司察有常備春生夏長秋收冬藏千物運以節行之人君欲代殺之是猶拙夫代大匠斲木乃勞而無功也夫代大匠斲者希有不傷其手矣人君行刑罰猶拙夫代大匠斲木也必方圓不得其理自傷其手代天殺者不得其理反受其殃

### 貪損第七十五

民之飢以其上食稅之多人民所以飢寒者以其君上食稅下太多也是以飢民皆化上爲貪飯道遠德故飢民之難治以其上之有爲民之不可治者以其君上多欲好有爲也是以難治是以其民化上有爲情僞難治民之輕死以其求生之厚人之輕犯死者以其求生活之事太厚食利以自危也是以輕死以求生太過故入死地也夫唯無以生爲者

是賢於貴生也夫唯獨無以生為務者爵祿不干於意財利不入於身天子不得臣諸侯不得使則賢於貴生也

戒彊第七十六

人之生也柔弱人生舍和氣抱精神故柔弱其死也堅強人死則和氣竭精神亡故堅強萬物草木之生柔脆和氣存也其死也枯槁和氣散也故堅強者死之徒柔弱者生之徒以上二事觀而知之堅強者死柔弱者生也是以兵強則不勝彊大之兵輕戰樂殺毒流怨結眾弱為一強故不勝也木強則其木大則枝葉共生其上彊大處下柔弱處上與物造功大木處下小物處上天道抑強扶弱自然效也

天道第七十七

天之道其猶張弓乎天道暗昧舉物類以為喻高者抑之下者舉之有餘者損之不足者與之言張弓和調之如是乃可用也夫抑高與下損強益弱天之道損有餘而補不足天道損益並諫天道以中和為上人之

道則不然人之道與天道及損不足以奉有餘世俗之人積貪益富卑弱與強能以有餘奉天下唯有道者言雖居有餘之位自者爵祿以奉天下不足者唯道德之君而能行之也是以聖人為而不恃聖人為德施惠不恃望其報功成而不處功成事就不處其位其不欲見賢不欲人知己之賢臣功不居祭名畏天損有餘

任信第七十八

天下柔弱莫過於水言水柔弱圓中則圓方中則方脾之則止決之則行而攻堅強者莫之能勝水能壞山能度磨水銷銅其能勝水而以成其功也以其無能易之夫水堅強者無以易於水故柔勝剛言柔齒剛齒先舌亡弱勝強水能滅火陰能消陽天下莫不知知柔弱者久長剛強者折傷莫能行和謙平好強果故聖人云受國之祐是謂社稷主人君能受國之祐濁者若江學不運小流則能長保社稷為一國之君主受國不祥是謂天下王君能引過時已代民不祥則可以王天下

正言若反此乃正直之言世人不知以為反言

任契第七十九

和大怨殺人者死傷人者刑以相和報也必有餘怨任刑者失人情必有餘怨及於良人安可以為善言一人吁嗟則失天心安可以怨為善也是以聖人執左契古者聖人執左契合符信也無文書法律刑則契合符以為信也而不責於人但刻契為信不責人於他事也有德司契有德之君司契契信而已無德司契無德之君背其契信司人所失天道無親常與善人天道無有親疎卑與善人則與司契同也

獨立第八十

小國寡民聖人雖治大國猶以為小國示儉約不為奢泰民雖衆猶若寡之不敢勞使有什伯使民各有節由什伯責賤不相犯也人之器而不用器謂農人之器而不用者不做實事民之時使民重死君能為民興利除害各得其所則民重死而食生也而不遠徙政

今不煩則安其業故不遠遷其常處也雖有舟輿無所乘之清靜無為不作煩華不好出遊煥雖有甲兵無所陳之無怨惡於天下使民復結繩而用之去文反質信無欺也甘其食甘其蔬食不魚食百姓也美其服美其器衣不貴五色也安其居安其茅茨不好文飾之屋樂其俗樂其質朴之俗不轉移鄰國相望雞犬之聲相聞相去近也民至老死不相往來其無情欲

### 顯質第八十一

信言不美信言者如其實也不美者核且質也美言不信誣美之言者尊尊之矣辭不信者飾偽多空虛也善者不辯善者以道修身也不辯者不文彩也辯者不善辯者謂巧言也不善者舌款惠也土有玉掘其山水有珠獨其淵辯口多言者亡其身也知者不博知者謂知道之士不博者守一元也博者不知博者多見聞不知者失要真也聖人不積聖人積德不積財有德以教愚有財以與貧也既以為人已愈有既以為人施設德化已愈

有德既以與人已愈多既以財賄布施與人而財益多如日月之光無有盡時天之道利而不害天生萬物愛育之令長天無所傷害聖人之道為而不爭聖人法天所施為化功成事就不與天下爭功名故能全其聖功

### 道德真經註卷之四

正一天師清微弟子 洪百堅 製作

道教學術資訊網站

### 道德真經解序

知五

道本真淳理貴清淨民輿情欲巧偽萬端全生不能殺死不取太上懲於苦趣為著真文以謂道非已生百姓咸有惑於障蔽遂失自然故願教丁寧立言親密還淳反樸寔在人分章設名乃昔前訓夫道包於德德和於道強名不德妙用一同以理究觀何有分別今以太上老君五千言為標題庶幾完其旨意理深義奧要在發明若或膠柱不通恐誤所精覃思難存解說聊視管窺時建中靖國元年十月初五日陳象古序

知五